

陳志貞

字敬齋石氏村人性篤厚喜讀書有聲庠序棘闈七試未獲售以明經授江南江都

訓導陞教諭又陞楊州教授時侍御李公直雅重公品望令子弟北面事之課諸生先器識而後文藝士品文風翕然日上又二年晉肥城令未及任卒生平孝事高堂承歡子舍孀闈抱病侍藥十年敬兄友弟撫諸姪睦宗族貽謀昌後鄉黨共推曾孫允祥中康熙癸酉鄉試

孫之藻

字紫淵性孝友負質穎異善詩文少與文勤李公同學嘗稱其短小精悍而性復恬

粹同學中其昆仲肝膈稱最前戊寅文正孫公闔家死於難藻後至贊勸喪事如禮奉養慈母教育幼弟搜輯文正公遺集成帙建崇祠立墓碑修家廟葺鄉賢祠重修高陽縣志編孫氏詩鉢著慕芝居詩集以明經老牖下壽八十三子與孫俱成名

李霖

字滋萬爲人端和與世無爭人言或不及義亦弗依違穎敏嗜學遊庠序爲文淳古屢困